



25. oktober 2018

UKA2018/164

Naalackersuisut kingusinnerpaamik UKA2019-imut inatsisinik atuuttunik allanngortitsinissaq pil-lugu siunnersuummik saqqummiussinissaat, taamaaliornikkut eqqumiitsuliornermut aningaasaa-teqarfimmik pilersitsinikkut eqqumiitsuliornermut aningaasaliissutinik tamanik agguassiner-mi attuumassuteqannginnissamik pilersitsinissaq periarfissinneqarsinnaanissaat ilanngullugu Inatsisartuni aalajangiiffigisassatut siunnersuut.

(Aleqa Hammond, Nunatta Qitornai)

Peter Olsen IA-meersoq siunnersuteqarnermini naalackersuisut inatsisissamik siunnersuusioqquai eqqumiitsuliornermik aningaasaateqarfimmik peqalernissaanut sinaakkutissaqartoqarniassammat aammalu aningaasanut inatsit aqutigalugu aningaasaliissutaasartussat qulakkeerneqarlutillu ar-laannaannulluunniit attuumassuteqanngitsunit isumagineqartalernissaat aqutissiuukkumallugu.

Inuiaqatigiit ikittunnguungaluarluta eqqumiitsuliornikkut, nipilersornikkut, kusanartuliornikkut, eri-narsornikkut allatigullu pikkorilluinnartunik nunaqqateqarpugut. Nunaqqatitut tulluusimaaru-tigisaqaavut aammalu nunarput nittarsaanniartillugu annertuumik kiinnertorisarpavut aammalu amerlasuutigit ambassadørerisarlutigit pingaaruteqarluinnartut.

Ukiut qassiungaluernerput maani inersuarmi siunnersuutiginiuuara kulturikkut inuussutissarsior-nermik ingerlataqarneq tassaalissasoq inuiaqatigiittut aningaasarsiornermi sukarsuit sisamarissa-gaat. Soorlu aalisarneq, takornariaqarneq aammalu aatsitassarsiorneq sukarsuusut aningaasarsior-nermi qitiutinneqartut. Taamani taparserneqanngilaq, ajoraluartumik. Isumali tassaniittuarpoq. Atuakkiorneq, atuakkanik nutserineq, takusassiorneq, eqqumiitsuliornermi saqqummersitsinerit, nunaqqatitta nunarsuarmioqatigiittulli allatuulli ineriartorfigisinnaasaat allatigullu oqariartorfigisin-naasaat pingaaruteqarpoq tapersersussallugu tunuliaqutsissallugulu.

Ullumikkut nipilersuutinik tusarnaarniaraangatta nipilersortartutta eqqumiitsulior-tortatta atugai youtubekkut tusarnaartalernikuuvut CD-nillu pisisarnerput appariartuinnarluni, massa aningaasa-tigut isertitsinissaralui pinngitsoortissinnaallugit. Nunatsinni sunngiffimmi eqqumiitsuliorneq an-ner-toqaaq isumaqarpugullu tunngavissaqarluortoq tamarmik pinngikkaluarlutik amerlasuulli pro-fessionalimik tassalu inuussutissarsiutigivillugu ingerlatsisinnaanermut pikkorissusillit amerlasut ta-persersortariaqarivullu.

Nunat sanillersuuttakkavut inatsiseqarput eqqumiitsulior-tortaminnik tunuliaqutsiisunik. Takornari-aqarnermi iluaqutigisarpaat, cafeni nipilersukulanerulerlutik, tammajuitsussarsianik sanaartor-

Nunatta Qitornai

Inatsisartuni



nermi annertusaallutik, nunap kiinnernerani annertuumik siuttoqataallutik, nunani allani saqqum-merseqataallutik assigisaatigullu. Taama isiornikkut nunatut aningaasaliissutigisimasat aningaasali-inertut isigineqartariaqarput kingornatigut inuiaqatigiit aningaasarsiornerannut namminerisamilli pinngorartitsineranut pitsaasumik kinguneqassasoq qularutiginnilarput.

Siunnersuut naalakkersuisut suliamik assingusumik suliaqarnerarlutik tunngavilersuutigalugu itigartitsinissaq inassutigigaat isumaqarpugut siunnersuutip soqutiginarnera tapersorsornarneralu pil-lugu ataatsimiititaliamik suliarineqartariaqartoq.